

金匱玉函經卷廿之貳

終 十藥神書附

中武 9
585
84



門 武 9
585
卷 8 正



金鑑云脈平無實熱用桂枝湯與妊
娠渴不能食者不合且文義不純
其中必有脫簡

主之下清本有方見利中四字
細字

脈經始娠二字作考軀

又此證二字作娠一字

晝氏綱目云絕之者謂絕止醫治
候其自安也予常治二婦阻病
吐愈治愈逆思此仲景絕之旨
遂停藥月餘自安真大哉醒賢
之言也

金匱玉函經二註卷之二十

趙以德衍義

周揚俊補註

婦人妊娠病脈證治第二十

證三條
方九首

門人

唐邦基澹園
陳德明梅坡

全校

元和李清俊春泉齋



師曰婦人得平脈陰脈小弱其人渴不能食無寒熱名
妊娠桂枝湯主之。于法六十日當有此證。設有醫治逆
者。卻一月。加吐下者。則絕之。方在傷寒中 脈經

衍義婦人平脈者言其無病脈也陰脈小弱其榮氣
不足耳凡感邪而榮氣不足者則必惡寒發熱不妨

脈經云婦人妊娠經斷三月而得漏下下血四十日不止胎欲動在於臍上此而已下接下一条各一条皆本亦皆為一条
又案素表本脈經此而之而字作存字可考
魏云婦人宿有癥病旧血積聚之邪也

於食今無寒熱妨于食是知妊娠矣妊娠者血聚氣搏經水不行至六十日始凝成胎斯時也氣血化于下榮氣不足衛不獨行壅突中焦而不能食津液少布其人渴用桂枝湯益榮和衛設有醫以他治則更一月當化若加吐下復損其榮土亦失其養育條芩白朮可也芎歸可也參芪可也但要益榮生津和中下二焦而已
婦人宿有癥病經斷未及三月而得漏下不止胎動在臍上者為癥瘕害

全鑑云經斷有子名曰妊娠下血別為漏下婦人宿有癥瘕之疾而育胎者未及三月而得漏下下血不止胎動不安者此為癥瘕害之也己及六月而得漏下下血胎動者此亦癥瘕害之也然有血凝塊者以前三月經雖斷血未盡胎尚弱未可下其癥瘕也後三月血成胎胎已強故主之桂枝茯苓丸當下其癥瘕也此示人妊娠有癥瘕病之義也此条文義不純其中必有缺文姑存其理可也

衍義宿有癥瘕內結及至血聚成胎而癥病發動氣淫于衝任由是養胎之血不得停畱遂漏不止癥瘕下迫其胎動於臍上故曰癥瘕害也凡成胎妊者一月血始聚二月始胎三月始胎胎成始能動今六月動者前三月經水利時胎下血者未成也後斷三月始胎以成胎方能動若血下不止而癥乘故也必當去其癥內經曰有故無殞亦無殞也癥去則胎安也桂枝桃仁丹皮芍藥能去惡血茯苓亦利腰臍間血即是破血然有散有緩有收有滲結者散以桂枝之

脉经及诸本作不此本及超固者然
不血二字
又胎下有也字以字下有下字

胎说文婦孕三月也公肉台意兼
聲博雅人三月而胎

脉说文濕血也素問五藏生成篇云
赤如衄血者死王冰曰衄血謂敗血凝
聚之血色赤黑也

脉经云師言一月為衄二月為血三月
為居經是定作軀也或為血積辟言如雞乳子云

輯義云炮炙論序大豆許取重十
兩輕目比之如兔屎十二兩輕目倍
桐子十四兩輕目

脉经愈脹作踰腹扇下有之狀
二字

辛肝藏血血畜者肝急緩以桃仁丹皮之甘陰氣之
發動者收以芍藥之酸惡血既破佐以茯苓之淡滲
利而行之

妊娠六月動者前三月經水利時胎下血者後斷三月
不血也所以血不止者其癥不去故也當下其癥桂枝
茯苓丸主之

桂枝茯苓丸方

桂枝 茯苓 牡丹 桃仁去皮尖熬芍藥各等分

右五味末之煉蜜丸如兔屎大每日食前服一丸不

知加至三丸

衍義此復申明胎成三月而後動也上章以經斷三
月而漏下不止然胎已成故雖漏下而胎動於上也
此章以六月動者以前三月經水利時而成胎胎雖
成而血時下至後三月始斷而不血是以妊娠六月
而胎始動蓋前三月因下血而胎失養前三月與後
三月之血下不止者以其癥不去故也當下其癥此
丸主之

婦人懷妊六七月脉弦發熱其胎愈脹腹痛惡寒者少

徐云子藏者子宮也開者不斂也
原方失注想不過傷寒論中附子
湯耳

腹如扇。其所以然者。子藏開故也。當以附子湯溫其臟。
衍義。妊至六七月。筋骨堅強之時。若其脉弦。弦為虛。
為寒。內格其陽于外。而發熱。陰寒內逆。而作脹。腹痛。
惡寒者。其內無陽。故子藏開。少腹如扇也。用附子湯。
復返其陽以溫其藏。

師曰。婦人有漏下者。有半產後。因續下血。都不絕者。有
妊娠下血者。假令妊娠腹中痛。為胞阻。膠艾湯主之。

膠艾湯方

- 阿膠 二兩
- 艾葉 三兩
- 甘草 二兩
- 當歸 三兩

宋本乾地黄分量缺

程云膠艾主子宮胎物主乎養
血和以甘草行以酒勢血能循
徑養胎則無漏下之患

- 芎藭 二兩
- 芍藥 四兩
- 乾地黄 六兩

右七味以水五升。清酒三升。合煮。取三升。去滓。內膠
消盡。溫服一升。日三服。不差。更作。

衍義。經水與結胎。皆衝任也。衝任乃腎用事者也。腎
屬坎。坎者時與離會。則血滿經水行。猶月之稟日光
為盈虧也。精有所施。心神內應。血即是從。故丁壬合
而坎離交。二氣凝結。變化胚胎矣。然持守其陰陽交
合。長養成胎者。皆坤土資之也。陰陽抱負。則坤土提
防。故不漏。若宿有瘀濁。客于衝任。則陰自結而不得

養恬齋藏板

與陽交合。故有半產漏下不絕也。若妊娠胞阻者。為陽精內成胎。陰血外養胞。負坤土失其隄防。用此方皆治之。芎歸辛溫。宣通其陽血。芍藥味酸寒。宣通其陰血。阿膠之甘溫。內經曰。肺合外皮毛。皮毛生于腎水。東垣謂其入於太陰。足少陰厥陰。嘗思在身氣化成形。金石草木之藥。終不如血肉之資。養同類者以養之。此方用阿膠安胎補血。塞其漏泄宜矣。甘草和陰陽。通血脉。緩中解急。其氣內入。開利陰血之結。而通于陽。地黃猶是補腎血之君藥也。調經止崩安胎。

說文病音絞腹中急也

養血。妙理無出此方。然加減又必從宜。若脉遲緩。陰勝於陽。則加乾薑官桂。若數大則宜加黃芩。婦人懷妊。腹中疝痛。當歸芍藥散主之。

當歸芍藥散方

當歸 三兩

芍藥 一兩

茯苓 四兩

白朮 四兩

澤瀉 半兩

芎藭 三兩

右六味。杵為散。取方寸匕。酒和。日三服。

衍義。此與胞阻痛者不同。因脾土為木邪所尅。穀氣不舉。濁淫下流。以塞搏陰血而痛也。用芍藥多他藥。

數倍以瀉肝木利陰塞。以與芎歸補血止痛。又佐茯苓滲濕以降于小便也。白朮益脾燥溼。茯苓行其所積。從小便出。蓋內外六淫皆能傷胎成痛。不但濕而已也。

妊娠嘔吐不止。乾薑人參半夏丸主之。

乾薑人參半夏丸方

乾薑 人參 各一兩 半夏 二兩

右三味末之。以生薑汁糊和丸。如梧子大。飲服十三丸。日三服。

諸本有糊字無三字

貝母本經甄權並云治產難

衍義此即後世所謂惡阻病也。先因脾胃虛弱。津液留滯。畜為痰飲。至妊二月之後。胚化成胎。濁氣上衝。中焦不勝其逆。痰飲遂湧。嘔吐而已。中寒乃起。故用乾薑止寒。人參補虛。半夏生薑治痰散逆也。

妊娠小便難。飲食如故。當歸貝母苦參丸主之。

當歸 貝母 苦參 各四兩

右三味末之。煉蜜丸如小豆大。飲服三丸。加至十丸。衍義小便難者。膀胱熱鬱。氣結成燥。病在下焦。不在

張氏通云膀胱者主藏津液氣化出溺外利經脈上行至頭為諸陽之表今膀胱不利氣不化水溺不得出外不利經脈可以身重洒淅寒起即頭眩但利小便則水去而經氣行表病自愈用葵子直入膀胱以利經脈因佐茯苓以滲水道也沈云此胎厚衛氣不利致水也

中焦所以飲食如故用當歸和血潤燥本草貝母治熱淋以仲景陷胸湯觀之乃治肺金燥鬱之劑肺是腎水之母水之燥鬱由母氣不化也貝母非治熱鬱解則熱散非淡滲利水也其結通則水行苦參長於治熱利竅逐水佐貝母入行膀胱以除熱結也

茯苓散主之

葵子 一觔 茯苓 二兩

葵子茯苓散方

右二味杵為散飲服方寸匕日三服小便利則愈婦人妊娠宜常服當歸散主之

當歸散方

當歸

黃芩

芍藥

芎藭 各一

白朮 半觔

右五味杵為散酒飲服方寸匕日再服妊娠常服即易產胎無苦疾產後百病悉主之

衍義內經陰搏陽別謂之有子尺脈搏擊者由子宮之氣血相搏而形於脈也精留血裏陰陽紐合也動

搏則變化。而變化生於動。若靜而不動。則不生不化。是以妊娠之血不可以靜。靜則凝。凝則泣。泣則虧少。而虛。皆不得與化胎之火相合。要其胎孕生化。必脉動搏。故調之者。先和陰陽。利其氣血。常服養胎之藥。非惟安胎易產。且免產後諸病。芎藭芍藥之安胎補血。白朮之用有三。一者益胃。致安氣以養胎。二者胎繫于腎。腎惡燥。能燥溼而生津。三者皆致中焦所化之新血。去腰臍間之陳瘀。至若胎外之血。因寒溼滯者。皆解之。黃芩減壯火而反於少火。則可以生氣。與

脾土溼熱來傷。及開血之瘀閉。故為常服之劑。然當以脉之遲數虛弱加減之。有病可服。否則不必也。藥者。但宜攻邪扶正。不比米穀。性味偏而不正。不可久服。內經曰。味之所入。各歸所喜。攻氣增而久。夭之由也。

妊娠養胎。白朮散主之。

原註見外臺聖方。外臺引古今錄驗云。裴伏張仲景方。

白朮散方

白朮

芎藭 各四分

蜀椒 三分出汗

牡蠣 四分。外臺作

右四味。杵為散。酒服一錢匕。日三服。夜一服。但苦痛。

徐沈作苦腹痛三字

加芍藥。心下痛。倍加川芎。心煩吐痛。不能飲食。加細辛一兩。半夏大者二十枚。服之後。更以醋漿水服之。若嘔。以醋漿水服之。復不解者。小麥汁服之。已後渴者。大麥粥服之。病雖愈。服之勿置。

衍義四味。本草皆謂能去血而養胎。何也。蓋血聚而後成胎。少遇邪則所聚之血。時宿而不運。反類瘀惡。必生新開陳。然後胎可養也。養胎不惟在血。而胎係於腎。養之又在于胃。所以補其腎。調其胃。補腎固其精也。調胃和其中也。用朮調胃。蜀椒開痺。痺開則陽

精至。牡蠣治崩。崩止則陰精固。川芎下入血海。運動胎氣。破舊生新。或陰血不利。肝木為害。在內抑屈而痛者。瀉以芍藥之酸。通其陰。設衝過而痛者。則欲以芎藭之辛溫。宣通其陽。或挾瘀惡之氣。上逆於胃而胃吐。煩不能食者。用細辛溫中。去痰下氣。半夏治心下急痛。和胃進食。止吐逆。若嘔而不止者。由肝木不務德。捨己而忘。用小麥飲養其本氣以安之。又且平胃下氣止煩。一舉兩得。大麥主消渴益氣調中。故中氣不足而渴者用之。

玉函經傷胎作傷寒小便作大便
未曰作小便則愈
金鑑云文義未詳此穴刺之落胎
必是錯簡不釋
程云勞宮穴在手心厥陰心王穴也
瀉之則火不乘金矣關元穴在
臍下為小腸之募瀉之則小便通
利矣然此穴不可妄用刺之結落
胎
徐子才逐月養胎方云妊娠七
月手太陰脈養不可針灸其經

婦人傷胎。懷身腹滿。不得小便。從腰以下重。如有水氣
狀。懷身七月。太陰當養不養。此心氣實。當刺瀉勞宮及
關元。小便微利則愈。

衍義內經諸腹脹大。皆屬於熱。諸溼腫滿。皆屬於脾。
三焦病者。腹滿不得便。溢則為水。心上焦也。而不下
行於腎。腎下焦也。不得上和於心脾。中焦也。心之熱
獨炎于上。腎不得和。則太陰上下不交。穀氣無所輸。
不得養其胎而成閉塞。上閉不通。則溼熱并而為腹
滿。下關不利。則腰以下如水狀。刺勞宮。心氣行矣。刺

關元。腎氣化矣。手足少陰交。則小便利矣。便利則中
焦之滿。下焦之重皆愈矣。

金匱玉函經二註卷之二十一

趙以德衍義

元和李清俊春泉重刊

周揚俊補註

門人 項 淞友梅 朱天一鶴訂 全校

婦人產後病脉證治第二十一

論一首脉證六條方八首

問曰新產婦人有三病。一者病瘕。二者病鬱冒。三者大

便難。何謂也。師曰新產血虛。多汗出。喜中風。故令病瘕。

亡血復汗寒多。故令鬱冒。亡津液胃燥。故大便難。

補註陰與陽固相資者也。故曰陽生陰長。又曰陽根

於陰。夫血陰也。汗為血液。則亦為陰。假如血去多。則

脉經血虛上有亡字亡血上有何故鬱
冒師曰六字亡津上有何故大便難師
曰七字
程云產後血暈者為鬱冒又名血厥

脈經此條接上為一條弱下有嘔字

汗亦少矣。乃偏易出者何哉。血大虛則衛外之陽因而不固。必多汗而腠理疎也。疎則邪易入之。血既不足以養脈。乃風入又足以燥其血液。故令病瘕。若汗多者亡陽。陽亡必畏寒。寒多遂令鬱冒。至若陰氣既虛。津液必少。胃中燥結。大便轉難。容或有之。然三者總因血虛所至。乃若不明其理而復出汗下。未有不

至於危亡者。故聖人先以新產血虛立言。使後世之工即出於中才以下。亦必從養陰起見也已。

產婦鬱冒。其脈微弱。不能食。大便反堅。但頭汗出。所以

然者。血虛而厥。厥而必冒。冒家欲解。必大汗出。以血虛下厥。孤陽上出。故頭汗出。所以產婦喜汗出者。亡陰血虛。陽氣獨盛。故當汗出。陰陽乃復。大便堅。嘔不能食。小

柴胡湯主之。

方見嘔吐中 原注

補註產婦脈證極虛種種者。其理可得而晰言之也。婦人主血。重在衝脈。衝者肝募也。血去既多。邪中特易。邪入則必逆冷畏寒。由於遏抑。是血氣虧於中。陰邪冒於外。卒難解也。而其所以難解者。正以血虛不能作汗。而非汗復不解。故欲解者必大汗出。而後邪

脈經大字作所以二字緊下首者字食下有也字
崇源云運詞之狀心煩氣欲絕是也亦有去血過多亦有下血極少皆令運詞若去血過多血虛氣極如此而運詞者但煩詞而已若下血過少而氣逆者則血隨氣上掩於心令運詞則煩詞而心滿急二者者要緊當候其產婦血下多少則知其產後底運占不運也然煩詞不止則禁人桂山先生曰產後血運其去血過多者屬氣脫其証眼閉口開手撒手足冷六脈微細或浮是也下血極少而暈者屬血逆其証胎

腹痛痛氣粗而手握拳牙關緊閉
是也此二者死治實壞脈藥一差
生死立判宜審辨焉

脈經此條接前為一條胃實作胃
熱氣實四字而無大字

始退正始越也此言周身之汗者也亦有血虛下厥
而陽氣孤而無偶遂上升而汗亦出則其汗又頭以
下不得汗也總由血虛陰亡其陽獨盛汗出之後邪
退正和矣然其津液一傷於血去復傷於汗多安得
大便不堅乎假使大便堅而復有嘔不能食之證仍
是表邪未去抑或血室受邪也小柴胡湯為正治之
法矣

病解能食七八日更發熱者此為胃實大承氣湯主之
補註邪去則不歸於府自能食也七八日更發熱明

方在傷寒中脈經

脈經無并下十字又無生薑二字

金鑑云產後腹痛不煩不滿裏虛也
今腹痛煩滿不得臥裏實也氣結
血凝而痛故用枳實破氣結苦菜
調腹痛枳實炒黑者益曰產
婦氣不實也

脈經此條出下文

係食滯於胃脾虛不能運之能不急下以救其津液
乎然大虛者當小作湯要在臨證斟酌爾

產後腹中疝痛當歸生薑羊肉湯主之并治腹中寒疝

虛勞不足方見寒濕中

補註產後本虛則寒易入今腹中為肝之幕為脾之
統痛非正虛而邪實耶此湯原治寒疝取以治產後
未常不可即以治虛勞又誰曰不宜

產後腹痛煩滿不得臥枳實芍藥散主之

枳實芍藥散方

養恬齋藏板

枳實燒令黑勿太過芍藥等分

右二味為散服方寸匕日三服并主癰腫以麥粥下之

衍義仲景凡治腹痛多用芍藥何也以其能治氣血積聚宣行府藏通則痛止也陰氣之散亂成痛用此收之也以其能治血痺之痛也以其能緩中而止急痛也本草謂主邪氣腹痛故多用之蓋五氣之邪莫如厥逆肝木之性急暴一有不平則曲直作痛又肝為藏血之海瘀積則海不清而肝木之氣塞矣東方

麻徑腹痛下有煩滿不得臥五字
散下有主之二字散作湯

震木出於純陰則振起發生若出於散亂之陰則肝木之氣旺矣木強直更值邪氣則肝木與搏擊矣由此三者而言芍藥所治皆肝木也雖曰治之而亦補之木之味酸芍藥亦酸故云補也枳實炒黑入血破瘀麥粥補血脉也

師曰產婦腹痛法當以枳實芍藥散假令不愈者此為腹中有乾血著臍下宜下瘀血湯主之亦主經水不利下瘀血湯方

大黃三兩桃仁二十枚廬虫二十枚

瘀血諸本作新血非徐大椿蘭臺
軌範天新字當作瘀字

脈徑煩躁發熱切五字作四五日跌
陽五字作倍下有其人二字不食
間有能字食則澹語至夜即愈
八字作澹語利之則愈六字至
之二字

右三味末之煉蜜為四丸以酒一升煎一九取八合
服之瘀血下如豚肝

衍義血之乾燥凝著者非潤燥蕩滌不能去也芍藥
積實不能治須用大黃蕩逐之桃仁潤燥緩中破結
廕蟲下血用蜜補不足止痛和藥緩大黃之急尤為
潤也與抵當同類但少緩爾

產後七八日無太陽證小腹堅痛此惡露不盡不大便
煩躁發熱切脈微實再倍發熱日晡時煩躁者不食食
則譫語至夜即愈宜大承氣湯主之熱在裏結在膀胱

也。見產論中厚注
方在傷寒中脈注

衍義太陽為表膀胱為裏七八日表證入裏故曰無
太陽證惡露已為病氣所鬱不能盡去邪因入裏與
惡露相搏擊在膀胱而小腹堅痛下焦熱極故不大
便煩躁發熱更切其脈微實再倍發熱日晡時煩躁
此邪又攻於胃胃熱則不食食入則穀氣之熱更助
兩熱相併故譫語至夜愈此產後血虛邪易入血室
入血室則夜如見鬼狀言此以明其不在血室而在
膀胱與胃故用大承氣湯

諸本下續字係之字

厥經作婦人產得風悶作堅
徐沈并作產後中風續續

厥經多兩字末句云在傷寒中桂
枝是也

產後風續續數十日不解。頭微痛。惡寒。時時有熱。心下
悶。乾嘔。汗出雖久。陽旦證續在爾。可與陽旦湯。即桂枝湯加黃芩

方見下利中

諸本加黃芩三字

行義傷寒病。太陽證。頭痛發熱。汗出惡風者。桂枝湯
主之。又太陽病。八九日不解者。表證仍在。當發其汗。
此治傷寒法。凡產後感於風寒。諸證皆不越其規矩。
舉此條與上文承氣為表裏之例耳。東垣治勞役飲
食所傷。挾外感者。亦名兩感。必顧胃氣。大全良方謂
新產去血。津液枯竭。如有時氣之類。當發其汗。決不

可用麻黃。取汗無取過多。活人書婦人諸病。皆用四
物。與所見證如陽旦之類。各隨所感而消息之。
產後中風發熱。面正赤。喘而頭痛。竹葉湯主之。

竹葉湯方

淡竹葉 一把

葛根 三兩

防風 二兩

桔梗

桂枝

人參

甘草 各一兩

大附子 一枚

炮無炮字

大棗 十五枚

生薑 五兩

桂枝 十金

白三同

右十味。以水一斗。煮取二升半。分溫三服。溫覆使汗
出。若頸項強者。用大附子。若嘔者。加半夏四兩。千金方無一枚。已下至沫字。十三字。

養恬齋藏板

頸項強用大附子一枚破之如豆大該是前藥揚去沫嘔者加半夏半升洗

〔衍義〕此證太陽上行至頭表陽脉過膈上循於面二經合病故如是竹葉湯亦桂枝湯變化者仲景凡治二經合病多加葛根為陽明解肌藥也防風佐桂主二經之風竹葉主氣上喘桔梗佐竹葉利之人參亦治喘甘草和中生薑大棗行穀氣發榮衛穀氣行榮衛和則上下交濟而汗出解矣附子恐是後所加治頭項強耳頸項強邪在太陽有禁固其筋脉不得屈

伸故用附子溫經散寒濕以佐葛根若邪在胸中而嘔加半夏治之

婦人乳中虛煩亂嘔逆安中益氣竹皮大丸主之

竹皮大丸方

生竹茹二分 石膏二分 桂枝一分 甘草七分

白薇一分

右五味末之棗肉和丸如彈子大飲服一丸日三夜二服有熱者倍白薇煩喘者加栝實一分

衍義婦人以陰血上為乳汁必藉穀氣精微以成之

養恬齋藏板

脈經乳作產丸作圓

活人書治虛煩栝實作枳實

本經白薇味苦平主暴中風身熱肢滿忽不知人狂起邪氣寒熱酸疼濕瘧洗然作者時

武之望濟陰綱目云中虛不可用石其煩亂不可用桂枝此方以甘草七分配眾藥六分又用棗肉為丸仍以一丸飲下可想其立方之微用藥之難審虛實之不易也仍飲服者不慮夫虛之禍耳

然乳房居胃上，陽明經脈之所過，乳汁去多，則陰血
乏而胃中益虛，陰乏則火撓而神昏亂，胃虛則嘔逆。
用甘草瀉心火，安中益氣，石膏療煩亂，竹皮主嘔逆。
桂枝利榮氣，通血脈，又宣導諸藥，使無扞格之患。栝
實，本草主恍惚虛煩，安五藏，益氣，煩喘者，為心中虛
火動肺，故以栝實兩安之。

產後下利虛極，白頭翁加甘草阿膠湯主之。

白頭翁加甘草阿膠湯方

白頭翁二兩 秦皮三兩 黃連三兩 黃蘗三兩

脈經作婦人熱利重下新產虛極
白頭翁加甘草湯主之夾注三千金
方又阿膠

甘草二兩 阿膠二兩

右六味以水七升，煮取二升半，內膠令消盡，分溫三
服。

衍義傷寒厥陰證下利重者，白頭翁湯四味盡苦寒
以治熱，苦以堅腸胃，此產後氣血兩虛，因加阿膠補
氣血而止利，甘草緩中通血脈，然下利血滯也，夫人
之血行則利自止，甘草尤為要藥，此方豈獨治產後
哉。

附方

養恬齋藏板

千金三物黃芩湯治婦人在草蓐自發露得風四肢苦煩熱頭痛者與小柴胡湯頭不痛但煩者此湯主之 黃芩一兩 芍藥二兩 乾地黃四兩 右三味以水六升煮取三升 溫服一升多吐下也

千金內補當歸建中湯治婦人產後虛羸不足腹中刺痛不止吸氣或苦少腹中急痛引腰背不能飲食產後月日得服五劑為善令人強壯方

當歸四兩 桂枝三兩 芍藥六兩 生姜三兩 甘草二兩 大棗十二枚 右六味以水七升煮取三升

分濕三服一日令盡若大虛加飴糖六兩湯成內之於火上煖令飴糖若去血過多則傷內勿不止加地黃六兩阿膠三兩合八味湯成內阿膠若血當歸以等當代之若血生姜以乾姜代之

千金方刺作疔中急作拘急血 糜字宜作方俱是

內細葉源云吐血有兩種一曰內細 出血如鼻細但不流鼻孔去或去 血數升乃至鮮是也

張氏通云此黃芩建中之麥方 彼用者或以助外清之陽此用者以 以補內室之血而不移易之也

傷寒論未作得斷下者有字

傷寒論方者執注云經水適來者 曰熱入室迫使血未出而熱遂遠 也適斷者熱乘血未而遂入之與 後血相搏俱留而不出故曰其血 必結也

金匱玉函經二註卷之二十二

趙以德衍義

元和李清俊春泉重刊

周揚俊補註

男一桂仲賢 傳德兆堂 全校

婦人雜病脈證并治第二十二

論一首脈證合十 四條方十四首

婦人中風七八日續來寒熱發作有時經水適斷此為 熱入血室其血必結故使如瘧狀發作有時小柴胡湯 主之 方見嘔吐中

衍義此下四條皆出傷寒論中成註七八日邪氣入 裏之時本無寒熱而續得寒熱經水適斷者為表邪

養恬齋藏板

乘虛入于血室。相搏而血結不行。經水所以斷也。血氣與邪分爭。致寒熱如瘧。而發作有時。與小柴胡以解傳經之邪。

婦人傷寒發熱。經水適來。晝日明了。暮則譫語。如見鬼狀者。此為熱入血室。治之無犯胃氣及上二焦。必自愈。行義成註傷寒發熱者。寒已成熱也。經水適來。則血室空虛。熱乘虛入血室。若邪入胃。邪客于府而爭也。暮則譫語。如見鬼狀。是邪不入府。入于血室。而陰爭也。陽盛譫語則宜下。此熱入血室。不可與下藥。犯其

傷寒論脈經并無字作胎脇下
許氏本事方是謂血結胸
傷寒論脈經及諸本瀉作取

胃氣熱入血室。血結寒熱者。與小柴胡湯散邪發汗。熱入血室。胸膈滿。如結胸狀者。可刺期門穴。此雖入而無滿結。故不可刺。必自愈者。以經行則熱隨血去。血下已。則邪熱悉除而愈矣。發汗為犯上焦者。發汗則動衛氣。衛氣出上焦也。刺期門為犯中焦者。刺期門則動榮氣。榮氣出中焦也。

婦人中風發熱惡寒。經水適來。得之七八日。熱除脈遲。身涼和。胸脇滿如結胸狀。讖語者。此為熱入血室也。當刺期門。隨其實而瀉之。

傷寒論脈經頭汗出下有者字

衍義中風發熱惡寒表病也若經水不來表邪傳裏則入府而不入血室也經水適來血室空虛至七八日邪傳裏之時更不入府乘虛而入于血室熱除脉遲身涼者邪氣內陷而表證罷也胸脇下滿如結胸狀讖語者熱入血室而裏實期門者肝之募肝主血刺期門者瀉血室之熱審何經氣實更隨其實而瀉之陽明病下血讖語者此為熱入血室但頭汗出當刺期門隨其實而瀉之澱然汗出則愈

衍義陽明病熱入血室迫血下行使下血讖語陽明法當汗以奪血者無汗故但頭汗出也刺期門以散血室之熱隨其實而瀉之以除陽明之邪熱散邪除榮衛得通津液得復澱然汗出而解明理論衝是血室婦人則隨經而入男子由陽明而傳也婦人咽中痛如有炙燔半夏厚朴湯主之

半夏厚朴湯方 千金作胸滿心下堅咽中帖帖如有炙肉吐之不出吞之不下

半夏 一斤 厚朴 三兩 茯苓 四兩 生薑 五兩

脈經炙燔作炙燔狀榮源云咽中如炙肉當者此是胸膈痰結與氣相搏逆上咽喉之間結聚狀如炙肉之膏也金鑑云即今之梅核氣病也此證男子亦有不獨婦人也帖名此病前惟曰帖言帖之而垂也

蘇葉二兩

右五味以水七升，煮取四升，分溫四服，日三服，夜一服。

衍義上焦陽也，衛氣所治，貴通利而惡閉鬱，鬱則津液不行而積為涎，膽以咽為使，膽主決斷，氣屬相火，遇七情至而不決，則火亦鬱而不發，不發則焰不達，不達則氣如咽，與痰涎結聚胸中，故若炙鬻千金之證，雖異，然亦以此而致也。用半夏等藥散鬱化痰而已。

婦人藏燥。一作燥喜悲傷欲哭，象如神靈所作，數欠伸。甘麥大棗湯主之。脉經名甘草小麥湯，三因名小麥湯，神珠名甘草湯。

甘麥大棗湯方

甘草三兩 小麥一升 大棗十枚

右三味以水六升，煮取三升，溫分三服，亦補脾氣。衍義內經以肺之聲為哭，又曰并于肺則悲，靈樞曰悲哀動中則傷魂，此證因肝虛肺并傷其魂而然也。蓋肝陽藏也，肺陰藏也，陽舒而陰慘，肝木發生之氣不勝肅殺之邪，并之屈而不勝，生化之火被抑，擾亂

程云內經曰悲則心氣急，甘草大棗者甘以緩諸急也。小麥者穀之苦者也。靈樞曰心病者宜食麥，是穀先入心之夫。輯義云素問以小麥為心之穀，千金云小麥養心氣，本方所主正在于此。

輯義云千金倍甘草瀉心湯是

于下。故發為藏躁，變為悲哭。所藏之魂，不得並神出入，遂致妄亂，象如神憑，木氣被抑而不前，筋骨拘束而不舒，故數作欠伸。然治相并之邪，必安之和之。用小麥養肝氣，止躁；甘草大棗之甘，以緩氣之苦急；躁止急緩，則藏安而悲哭愈。然又曰亦補脾氣者，乃肝病先實脾，不惟畏其傳，且脾實而肺得母氣以安，庶不離位過中而復下并矣。

婦人吐涎沫，醫反下之，心下痞滿，當先治其吐涎沫，小青龍湯主之。涎沫止，乃治痞。瀉心湯主之。

小青龍湯方見肺經中瀉心湯方見驚悸中

魏云瀉心湯在傷寒論中為方不一亦當合傷寒論中痞証諸條參觀之而亦其治法

衍義傷寒論表不解，心下水氣者，用小青龍湯解表散水也。又曰表未解，醫反下之，陽邪內陷，實則結胸，虛則心下痞，由此觀之，吐涎沫者，蓋由水氣之為病，因反下之為痞，吐涎沫仍在，故先以小青龍治涎沫，然後以瀉心湯除心下之熱痞也。

婦人之病，因虛積冷結氣，為諸經水斷絕，至有歷年血寒，積結胞門，寒傷經絡，凝堅在上，嘔吐涎唾，久成肺癰，形體損分，在中盤結，繞臍寒疝，或兩脇疼痛，與藏相連，或結熱中，痛在關元，脈數無瘡，肌若魚鱗，時著男子非

巢源云三十六疾者十二經九痛七室五傷三瀉不通是也張仲景亦說三十六疾皆由子藏冷熱勞損而扶帶下起於陰內惟目濕漫與諸不同

史記扁鵲傳云邯鄲有貴婦人即帶下醫書云可稱帶下乃腰帶以下經血諸疾之謂也軒義金鑑云諸曰十女九帶也芩芩下病久津液必傷形必羸瘦診其脈虛審其多寒豈止病些三十病而千變萬端矣

魏云其間虛實之故又不外于緊弦二脈緊者寒也弦者虛也氣血充足則柔緩不足則弦直也氣血溫和則平順虛冷則緊也觀師早就緊弦二字以明血閉血澁二証微有帶兼之診不出緊弦之義其示人者可為深切者明矣

止女身。在下來多。經候不勻。令陰掣痛。少腹惡寒。或引腰脊。下根氣街。氣衝急痛。膝脛疼煩。奄忽眩冒。狀如厥癩。或有憂慘。悲傷多嗔。此皆帶下。非有鬼神。久則羸瘦。脈虛多寒。三十六病。千變萬端。審脈陰陽。虛實緊弦。行其針藥。治危得安。其雖同病。脈各異源。子當辨記。勿謂不然。

衍義陰陽之運動。有上下。有中外。有歸宿。有倡順。得其道。則變化萬象。各司其用。若乖其宜。則隨所適而為病。然二者之病。則以陽為主。由陽主動。用以施化。

者也。而陰者惟虛其體。以受之生育而已。若夫邪氣在陰。則凝結堅實。實則陽不得入。而施化。致生諸病。不可窮已。仲景敘是數證。冷積下焦。以見變易無窮也。所謂經水斷絕。胞門寒傷。令陰掣痛。少腹惡寒。或引腰脊。下根氣街。氣衝急痛。膝脛疼煩。皆由陰結下焦。陽不得入。隨所著衝任之脈。而為病也。嘔吐涎沫。久成肺癰者。必陰結在少陰經。其經上連于肺。水因溢上為涎沫。久迫上焦之陽。畜以成肺癰也。繞臍寒疝。或兩脇疼痛。與藏相連者。臍在人身正中面。四藏

應之。其四藏則應于上下左右，蓋是生氣所出之原，五藏皆于此受之。今爲冷邪凝結，生發之氣絕少，正邪相擊而作寒疝，臍間冷結，連及兩脇，少陽發生之分，併爲疼痛，故曰與藏相連也。或結熱中，病在關元者，乃小腸火之募也。足三陰任脈之所會，足三陰任脈盡爲積冷于小腸，火氣不折，爲鬱熱在中，冷熱相搏，故痛在關元。脈數無瘡，肌若魚鱗者，陰不化血，無以輪化生肌，滋潤于外，徒是孤陽行脈，燥消皮毛耳。奄然眩冒，狀如厥癰者，衝任督陰躄之脈衝突而逆。

陽亂于上，所以如尸厥癰。或憂慘悲傷，倘多嘔者，此在下腎肝藏陰結，而陽不得入，精泄不固，下泄爲帶，魂不舒，志不寧故耳。非鬼神使之也。陰由冷積，榮血內結，不與衛和，內外成病，求之于陰陽交變之道，不可一言而盡。仲景敘其證，復敘爲三十六病，千變萬端，同脈異證，恐後人膠柱鼓瑟，而不由于陰陽變易之道也。

問曰：婦人年五十，所病下利，數十日不止，暮卽發熱，少腹裏急，腹滿，手掌煩熱，唇口乾燥，何也？師曰：此病屬帶。

脉經此條云問曰婦人病下利而
經水不調者何也師曰但當止
利經自當下勿恠可以利不止而
經斷者但下利之津液故經斷
利止津液復經自當下
婦人血下咽乾而不渴其經必斷
此榮不足本自有液寒故不引
飲渴而引飲者津液得通榮
衛自和具經必復下可併攻

下何以故。曾經半產。瘀血在少腹不去。何以知之。其證
唇口乾燥。故知之。當以温經湯主之。

温經湯方

吳茱萸 三兩 當歸 芍藥

桂枝 人參 阿膠 生薑

丹皮 去心 甘草 各二兩 半夏 半升 麥冬 一升 去心

右十二味以水一斗煮取三升分温三服亦止婦
人少腹寒久不受胎兼治崩中去血或月水來過多
及至期不來

衍義下利不止答屬帶下何也婦人二七天癸至任
脉通太衝脉盛月事以時下七七太衝脉衰天癸竭
地道不通經水遂止今年五十經絕胞門閉塞衝任
脉不復輸泄之時所積瘀血自胞門化爲帶下無所
從出大便屬陰故就大便而下利矣考大全良方集
是方出千金治女人曾經小產或帶下三十六病以
或字分爲二金匱以帶下屬半產瘀血豈帶下三十
六病無溼熱之實邪而盡屬於瘀血虛寒哉蓋爲帶
脉居身形之半凡十二經絡并奇經八脉各挾寒熱

之邪。過而傷之。動其衝任。則氣血爲之不化。心腎爲之不交。變成赤白漏下。治之必察始感何邪。何經受害。爲虛爲發何狀。脉見何象。令在寒暑隨宜。以權變治之可也。豈概云三十六病。盡切是方乎。終不若仲景之有原委。而可爲後世法也。蓋小產是胞脉已虛。不能生新推陳。致血瘀積在下。而生發之氣。起于下焦。固藏之政。亦司下焦。下焦瘀積在下。而既結于陰。則上焦之陽不入矣。遂成少腹裏急。腹滿。四藏失政。則五液時下。其陽至暮。當行于陰。而不得入。獨浮于

上。爲發熱。爲掌上熱。爲唇口乾燥。故必開痺破陰。結引陽行下。皆吳茱萸主之。益新推陳。又芎歸爲臣。丹皮佐之。然推陳藥固多。獨用丹皮者。易老謂其能治神志不足。血積胞中。心腎不交。非直達其處者。不能通其神志之氣。用半夏以解寒熱之結。阿膠人參補氣血之不足。麥冬助丹皮。引心氣入陰。又治客熱唇口乾燥。桂枝生薑發達生化之氣。甘草益元氣。和諸藥。婦人小腹寒不受胎者。崩中去血。皆因虛寒結陰。而陽不得入耳。盡可治之。設有脉沉數。而陽乘陰者。

本草綱目土瓜條引此文經下
有或字義尤明輯義

亦為帶下不成孕崩中去血等證又烏可用是治之
必須脉辨也。

帶下。經水不利。少腹滿痛。經一月再見者。土瓜根散主
之。

土瓜根散方陰癩腫亦治之

土瓜根

芍藥

桂枝

塵蟲

各三兩

右四味杵為散酒服方寸匕日三服

諸本兩作分

衍義此亦因瘀血而病者經水即不利一月再見之
不同皆衝任瘀血之病土瓜根者能通月水消瘀血

旋覆花湯方諸本載於此

旋覆花三兩 葱十四莖

新條 少許

右三味以水三升煮取一升頓服之

○古方選注云新條繭絲補脾氣
條乃紅藍花染就并得烏梅黃
柏之監制則通血脉之中仍有收
攝之妙

生津液津生則化血也芍藥主邪氣腹痛除血痺開
陰寒桂枝通血脉引陽氣塵蟲破血積以消行之非
獨血積衝任者有是證肝藏血主化生之氣與衝任
同病而脉循陰器任督脉亦結陰下故皆用是湯治
之癩腫非惟男子之辜丸婦人之陰戶亦有之多在
產時瘀血流入作痛下墜出戶也

寸口脉弦而大弦則為減大則為芤減則為寒芤則為
虛寒虛相搏此名曰革婦人則半產漏下旋覆花湯主
之方見十一卷五藏風寒積聚篇

衍義本文之註見前方藥本草謂旋覆花主結氣腸下滿通血脉去藏家熱葱管亦主寒熱安胎除肝邪且更能主血新絳疑是緋帛也凡糸帛皆理血血色紅用絳尤切于活血肝為藏血主生化故衝任之脉成月事及胞胎者皆統屬之三味入肝理血除邪散結豈非以氣陽也血陰也氣少則無陽無陽則寒血虛則無陰無陰則熱兩虛相搏以害其肝之生化歟所以用是湯先解其結聚之邪也而溫補其虛寒者必另有法矣

尤云陷經下而不止之謂黑則回寒而色赤也膠薑湯方未見然補虛溫經止漏阿膠乳薑二物已足林億云恐是膠艾湯按千金膠艾湯有乳薑似可取用

尤云敦音對按周禮注盤以鹽血敦以鹽食蓋古器也少腹滿如敦狀者言身腹有形高起如敦之狀與內經胸下大如覆杯之文略同小便難病不獨在血矣不渴知非上焦氣熱不化生後即產後產後得此乃是水血並結而病屬下焦也故以大黃下血甘遂逐水加阿膠者可以去瘀滯而重安養也
麻經作敦敦狀注要略云滿而熱又生後注生後疑

婦人陷經漏下黑不解膠薑湯主之 方缺

衍義氣倡而血從則百脉流動以候其天癸苟有邪以阻之則血不從其氣而自陷于血海血海者腎主之腎寒水也色黑是以漏下黑矣猶內經所云結陰下血也方雖不全見膠艾二物亦足治之艾火皮膚灸之尚能內入况服之而不自陽引入于陰乎薑以散其陰開通腠理致津液行氣也

婦人少腹滿如敦狀小便微難而不渴生恐是後者此為水與血俱結在血室也大黃甘遂湯主之

大黃甘遂湯方

大黃_{四兩}

甘遂_{二兩}

阿膠_{二兩}

右三味以水三升煮取一升頓服之其血當下

〔衍義〕內經謂水入經其血乃成則血由水化今乃言血與水併何哉嘗思水有清濁清則入經化血濁則為溺為唾苟因氣之濁亂者入之則不能化血而為血害其清者初雖為水而色白至於坎離之變從火化而變赤如月之稟日光為盈虧與陽隨動流轉上下行諸經脈與水性異矣水性惟能潤下苟下流不

通必注于澤所以水失其道入于肌表者作身腫入于筋骨者作肢節腫此入于血室故作少腹如敦狀然血室雖與膀胱異道膀胱是行水之府水畜血室氣有相感也故膀胱之氣亦不化而小便微難矣若小便自如而少腹如敦者則不謂之水併當是他邪血積可知矣用甘遂取其直達水停之處大黃蕩瘀血阿膠引為血室向導且補其不足也
婦人經水不利下抵當湯主之

抵當湯方

亦治男子膀胱滿急有瘀血者

水蛭 三十個熬

蠱虫 三十枚熬去翅足

桃仁 二十個去皮尖

大黃 三兩酒浸

右四味為末，以水五升，煮取三升，去滓，溫服一升。

〔衍義〕傷寒論陽明證，其人喜忘者，必有畜血，大便黑色，抵當湯主之。發熱下之不解，六七日不大便者，有瘀血，亦宜是湯。傷寒有熱，少腹滿，應小便不利，今反利者，為有血也。宜抵當丸。三者有病狀而後立方，今止云經水不利下，豈遂血畜不通而非虛損耶。此必有畜血情狀，而出是方也。

婦人經水閉不利，藏堅癖不止，中有乾血，下白物。礬石丸主之。

礬石丸方

礬石 三分燒

杏仁 一分

右二味末之，煉蜜和丸如棗核大，內藏中，劇者再內之。

〔衍義〕子宮血積，不與氣和，故新血不至，遂成乾血，堅癖外連于戶，津液不行，化為白物，是用礬石消堅癖，破乾血，杏仁利氣開閉，潤藏之燥，蜜以佐之，內于戶。

藥氣可直達于子宮矣。設乾血在衝任之海者，必服藥以下之，內之不能去也。

婦人六十二種風及腹中血氣刺痛，紅藍花酒主之。

紅藍花酒方

原注疑非仲景方

紅藍花

一兩

右一味，以酒一大升，煎減半，頓服一半，未止再服。

衍義註疑非仲景方。傷寒論一部，以風寒二邪必覆言其傳變，然後出方，乃云六十二種風，盡以一藥治之，寧無寒熱虛實上下表裏之異，其非仲景法明矣。

雖然，原其立方之旨，將謂婦人以血為主，一月一瀉，然後和平。若風邪與血凝搏，或不輸血海，以阻其月事，或不流轉經絡，以閉其榮衛，或內觸藏府，以違其和，因隨取止，遂有不一之病，所以治之，惟有破血通經。用紅花酒，則血開氣行，而風亦散矣。

婦人腹中諸疾痛，當歸芍藥散主之。

見前妊娠中

衍義此腹痛者，由中氣脾土不能升，陰陽二氣乖離，肝木乘尅而作痛，故用是湯補中伐木，通行陰陽也。婦人腹中痛，小建中湯主之。

見前虛勞中

脉经问曰有一婦人病飲食如故煩
熱不得臥而反倚息者何也師
曰得病轉胞不得溺也何以故師
此人故肌盛頭舉身滿今反羸
瘦頭舉中空感一作胞系了疾
故致此病但利小便則愈宜服時
氣以中有茯苓故也方在虛字
中
尤云了疾與縲疾同胞系縲疾
而不順則胞為之轉胞轉則不
得溺也
縲言聊纏也縲也

問曰。婦人病飲食如故。煩熱不得臥。而反倚息者何也。
師曰。此名轉胞。不得溺也。以胞系了戾。故致此病。但利
小便則愈。宜腎氣丸主之。

行義此方在虛勞中。治腰痛小便不利。小腹拘急。此
亦用之何也。蓋因腎虛用之。若飲而短氣者。亦用此
利小便。則可見其轉胞之病。為胞居膀胱之室。因下
焦氣衰。惟內水溼在中。不得氣化而出。遂致鼓急。其
胞因轉筋不正。了戾其溺之宗。水既不出。經氣遂逆。
上衝于肺。肺所主之榮衛。不得入于陰。畜積于上。故

輯義徐云坐謂入陰中如生產坐草
之坐程云白粉即米粉

煩熱不得臥而倚息也。用此補腎則氣化。氣化則水
行。水行則邪者降而愈矣。然轉胞之病。豈盡由下焦
腎虛致耶。或中焦氣虛土溼。下干害其胞。與上焦肺
氣壅塞。不化于下焦。或胎重壓其胞。或忍溺入房。皆
足成此病。必求所因以治之也。

婦人陰寒。溫中坐藥。蛇牀子散主之。

蛇牀子散方

蛇牀子仁

右一味。末之。以白粉少許。和合相得。如棗大。綿裹內

之自然温白粉即米粉藉之以和合也

衍義風寒入陰戶痺而或冷或用蛇牀以起其陰分之陽陽強則痺開而温矣

少陰脉滑而數者陰中即生瘡陰中蝕瘡爛者狼牙湯洗之

狼牙湯方

狼牙三兩

右一味以水四升煮取半升以綿纏筋如繭浸湯瀝陰中日四遍

衍義少陰脉滑陰中血熱也溼熱積陰戶生瘡甚則蟲出蝕爛狼牙味苦酸鹹主邪熱氣殺蟲後人瘡藥多用之

胃氣下泄陰吹而正喧此穀氣之實也膏髮煎導之見黃疸中衍義陽明脉屬于宗筋會于氣街若陽明不能升發穀氣上行變為濁邪反泄下利子宮受抑氣不上通故從陰戶作聲而吹出猪脂補下焦生血潤腠理亂髮通關格腠理開關格通則中焦各得升降而氣歸故道已

小兒疳虫蝕齒方 疑非仲景方

雄黃 葶藶

右二味末之取臘月猪脂鎔以槐枝綿裹頭四五枚點藥烙之

重刊金匱玉函經二註補方目錄

苦參湯

桂枝湯

小承氣湯

附子湯

以上四方二註有目缺方

天雄散

千金翼炙甘草湯 外臺炙甘草湯方同

肘後獺肝散

補方目錄

養恬齋藏板

千金甘草湯

千金生薑甘草湯

千金桂枝去芍藥加皂莢湯

外臺桔梗白散

千金葦莖湯

外臺柴胡桂枝湯

外臺走馬湯

外臺黃芩湯

排膿散

排膿湯

千金三物黃芩湯

千金內補當歸建中湯

小兒疳蟲蝕齒方目

以上十六方從要略第六卷至二十二卷中所
載

附補苦參湯方

重刊金匱玉函經二註補方

苦參湯方

治狐惑蝕于下部咽乾洗之要略目錄云龐氏方二註同

苦參 半筋

槐白皮 四兩

狼牙根 四兩

桂枝湯方

桂枝 三兩 去皮

芍藥 三兩

甘草 二兩 炙

生薑 三兩 切

大棗 十二枚 擘

右五味以水七升微火煮取三升去滓適寒溫服一升服已須臾啜稀粥一升餘以助藥力

小承氣湯方

補方

養恬齋藏板

大黃四兩 去皮

厚樸二兩 炙 去皮

枳實三枚 炙

右三味以水四升煮取一升二合去滓分溫三服

附子湯方

附子二枚 生 用去皮

茯苓三兩

白芍三兩

人參二兩

白朮四兩

右五味以水八升煮取三升去滓溫服一升日三服

服

以上四方二註有目缺方

天雄散方

要略眉詮喻先生曰治上焦陽虛

天雄三兩 炮

白朮八兩

桂枝六兩

龍骨三兩

右四味杵為散酒服半錢七日三服不知稍增之

千金翼炙甘草湯方

治虛勞不足汗出而悶脈結

悸行動如常不出百日危急者十一日死

甘草四兩 炙

桂枝三兩

生薑三兩

麥冬半升

麻仁半升

人參二兩

阿膠二兩

大棗三十枚

生地黃一觔

右九味以酒七升水八升先煮八味取三升去滓

內膠消盡溫服一升日三服

補方

養恬齋藏板

肘後癩肝散方 治冷勞又主鬼症一門相染

癩肝 一具 炙乾末之水服方寸匕日三服

千金甘草湯方 要略註曰治肺痿之熱由於虛不可直攻

甘草

右一味以水三升煮減半分溫三服

千金生薑甘草湯方 治肺痿欬唾涎沫不止咽燥

而渴

生薑 五兩 人參 三兩 甘草 四兩 大棗 十五枚

右四味以水七升煮取三升分溫三服

千金桂枝去芍藥加皂莢湯方 治肺痿吐涎沫

桂枝 三兩 生薑 三兩 甘草 二兩 大棗 十枚

皂莢 一枚 去皮 炙焦

右五味以水七升微微火煮取三升分溫三服

外臺桔梗白散方 治欬而胸滿振寒脈數咽乾不

渴時出濁唾腥臭久久吐膿如米粥者為肺癰

桔梗 三分 貝母 三分 巴豆 一分 去皮 熬研如脂

右三味為散強人飲服半錢匕羸者減之病在膈

上者吐膿在膈下者瀉出若下多不止飲冷水一

補方

三 養恬齋藏板

盃則定

千金葦莖湯方 治欬有微熱煩滿胸中甲錯是為

肺癰

葦莖 二升

薏苡仁 半升

桃仁 五十粒

瓜瓣 半升

右四味以水一斗先煮葦莖得五升去滓內諸藥煮取二升服一升再服當吐如膿

外臺柴胡桂枝湯方 治心腹卒中痛者

柴胡 四兩

黃芩 一兩半

人參 一兩半

半夏 六枚

大棗 六枚

生薑 一兩半

桂枝 一兩半

芍藥 一兩

甘草 一兩

右九味以水六升煮取三升溫服一升日三服

外臺走馬湯方 治中惡心痛腹脹大便不通

巴豆 二枚去皮心熬

杏仁 二枚

右二味以綿纏槌令碎熱湯二合捻取白汁飲之當下老小量之通治飛尸鬼擊病

外臺黃芩湯方 治乾嘔下利

黃芩 三兩

人參 三兩

乾薑 三兩

桂枝 一兩

補方

養恬齋藏板

大棗十二枚 半夏半升

右六味以水七升煮取三升温分三服

排膿散方

枳實十六枚 芍藥六分 桔梗二分

右三味杵為散取雞子黃一枚以藥散與雞黃相等揉和令相得飲和服之日一服

排膿湯方

要略註曰以上兩方槩治瘡癰不能散者不獨為腸腑腫癰設也

甘草二兩 桔梗三兩 生薑一兩 大棗十枚

右四味以水三升煮取一升温服五合日再服

千金三物黃芩湯方 治婦人在草蓐自發露得風

四肢苦煩熱不痛者此湯主之

黃芩一兩 苦參二兩 乾地黄四兩

右三味以水六升煮取二升温服一升多吐下蟲

千金內補當歸建中湯方 治婦人產後虛羸不足

腹中刺痛不止吸吸少氣或苦少腹中急摩痛引

腰背不能食飲產後一月日得服四五劑為善令

人強壯宜

當歸四兩 桂枝三兩 芍藥六兩 生薑三兩

補方

養恬齋藏板

甘草二兩

大棗十二枚

右六味以水一斗煮取三升分温三服一日令盡
若大虛加飴糖六兩湯成內之于火上煖令飴消
若去血過多崩傷內衄不止加地黃六兩阿膠二
兩合八味湯成內阿膠若無當歸以芎藭代之若
無生薑以乾薑代之

小兒疳蟲蝕齒方

雄黃 葶藶

右二味末之取臘日猪脂鎔以槐枝綿裹頭四五

枝蘸藥烙之

以上十六方從要略第六卷至第二十二卷補入

又苦參湯方

此要略中所載與其目錄龐氏方異不知何出今亦附補

苦參一升以水一斗煎取七升去滓薰洗日三服

余自髫髻釋學業醫道攷究方脈三十餘年遍歷江湖多
學廣博者不過言語文字形容之耳及至用藥治病皆
不能捷是以日夜苦心用志務在中病後遇至人同處
三月斯人極明醫道精通方脈用藥如發矢無不中的
余曰必神人也遂拜爲師得授竒方一冊閱之或羣隊
者或三四味者皆余目觀至人用效者也使予如久旱
逢霖夜行得月心中豁然自此回至吳中一用一捷無
不刻驗信乎竒方可鉅梓者也余以三餘暇日將至人
所授竒方并日用決效之法類成一帙名曰十藥神書

蓋余用效者輒記錄之今西浙大癡道人與余通家之
好用禮求授故錄以奉養生濟人之功用爾時
至正戊子春正月三陽日可久書於姑蘇之春先堂

予讀此十方俱出人意表其間次序緩急可爲千百世
法即不必十方並用要無能出其範圍者矣一方之中
自得肯綮即不必全用其藥亦可以細推其理矣乃今
日之治血症者輒用六味地黃增減冀其收功皆由醫
貫入手而未嘗從神書體會者也彼謂腎水衰則火炎
爲患壯水之主可鎮陽光也孰知人之犯此病者陰虛
固多而他因者亦復不少假如從勞力而得者其傷在
足太陰矣從憂思而得者其傷在手少陰矣從嗜飲而
得者其傷在手太陰矣從憤怒而得者傷又在足厥陰

矣皆致吐血欬血咯血等症豈一壯水可以勝其任乎
總之人身之血附氣而行者也一藏傷則氣必不調而
血遂溢於外故逆則上出墜則下行滯則阻痛寒則凝
熱則散此自然之勢也後之君子於診視之際聞問之
餘斟酌而得其情否乎果能於此著眼視其病之所傷
在何藏脈之所傷在何部時之所值在何季思過半矣
余曾治一咯血之人平日極勞每咯紫黑色俱成小塊
者然必是飽食則多少食則少不食則或少或無予以
韭汁童便製大黃治之二服而安後以補中益氣加血

藥而愈知者以爲怪妄予謂極平常蓋實從神書究心
而置醫貫爲談料者也

康熙二十六年五月吳門周揚俊識於星沙寓中

十藥神書

夫人之生也稟天地氤氲之氣在乎保養真元固守根本則萬病不生四體康健若不養真元不固根本疾病由是生真元根本即氣血精液也葛先生曰萬病莫若癆證最為難治蓋癆之起因人之壯年氣血充足精液盈滿之際不能保養性命惟以酒色是貪日夜耽嗜無有休息以致耗散真元虛敗精液則嘔血吐痰以致骨蒸體熱腎虛精竭面白額紅口燥咽乾遺精白濁盜汗飲食艱難氣力全無謂之火盛金衰重則半年而斃輕

則一載而亡醫者不窮其本或投之大寒之劑或療之大熱之藥殊不知大寒則愈虛其中大熱則愈竭其內所以世之治癆者萬無一人葛師用藥治癆如羿之射無不中的十藥次第之法具後學者詳審之母惑焉如嘔吐咯嗽血者先以十灰散劫住如甚者再以花蘘石散主之大抵血熱則行血冷則凝見黑則止此其理也止血之後患人之體必稍疏解用獨參湯一補容其熟睡一覺不令驚醒睡起元氣復其二三却分病用後諸藥保和湯止嗽寧肺保真湯補虛除熱太平丸潤肺扶

痿消化丸下痰疎氣隨症加減服藥之法每日三食前服保真湯三食後服保和湯二藥間而服之每日又濃煎薄荷湯灌漱咽口用太平丸先嚼一丸徐徐咽下次再嚼一丸緩緩溶化至上床時亦如此用之蓋夜則肺竅開藥味必溜入竅中此訣緊要如痰壅盛先用錫糖拌消化丸一百丸吞下次却依前嚼嚙太平丸令其仰卧而睡服前七藥後若肺燥餘嗽未除可煮潤肺膏如常服之續煮白鳳膏食之復其真元完其根本全愈後合十珍丸服之乃收功起身之藥也

甲字號十灰散

治癆症嘔血吐血咯血嗽血先用此藥止之

大薊 小薊 荷葉 扁柏葉 茅根 茜草根

山梔 大黃 牡丹皮 椶櫚皮 各等分

右各燒灰存性研極細末用紙包碗蓋於地上一宿
出火毒用時先將白藕搗汁或蘿蔔汁磨京墨半碗
調服五錢食後服下如病勢輕用此立效如血出成
升斗者用後藥止之

乙字號花藥石散

五臟崩損湧噴血出成升斗者用此止之

花藥石 火煨存性研為粉不拘多少

右用童便一鍾頓溫調末三錢甚者五錢食後服下
男子用酒一半女人用醋一半與童便和藥服使瘀
血化為黃水服此以後藥補之

甲乙二方論

周揚俊

治吐血者競推可久而葛先生首以二方為止血要
著明明劫劑毫無顧忌予由繹之始知葛先生意之
到理之精也人生陽根於陰陰氣虧則陽自勝上氣

爲之喘促咳吐痰沫發熱面紅無不相因而致故畱
得一分自家之血卽減得一分上升之火易爲收拾
何今日之醫動以引血歸經爲談不可概用止血之
味甚至有血溢于外吐出亦美壅反爲害遂令病者
信之遷延時日陰虛陽旺煎熬不止至於不救果誰
之咎倘謂引經可必不妨少俟幾日後用補陰元神
可復吾恐有形之血豈能使之速生而無偶之陽何
法使之速降予所以一再思惟而悟先生急於止血
之大旨也

丙字號獨參湯

止血後虛弱無動作者此藥補之

大揀人參 一兩

右咀水二盞棗五枚煎一盞不拘時細細服之服後
宜熟睡一覺後服藥除根

丙字人參湯

周揚俊

凡失血後不免精氣怯弱神思散亂前方雖有止血
之功而無補益之力故有形者之陰不能卽復而幾
微之氣不當急固乎頓服參一兩不但脫血益氣亦

且陽生陰長觀先生自註云宜熟睡一覺使神安氣和則煩除而自靜蓋人之精神由靜而生亦由靜而復也奈何今之醫者遇吐血家乃視參如毒耶
丁字號保和湯

治癆症久嗽肺成痿者服之決效

知母去毛酒洗 貝母去心 天門冬去心 麥門冬去心 款冬花各一錢

天花粉 薏苡仁 杏仁泡去皮尖 五味子炒研

甘草炙 馬兜鈴 紫苑 百合 桔梗

阿膠炒 當歸酒洗 生地黃 紫蘇 薄荷各五分

一方有百部亦妙

右以水二盞生薑三片煎一盞入飴糖一匙化服之

每日三食後各進一服加減於後

血盛加蒲黃茜根藕節大薊小薊茅花

痰盛加南星半夏橘紅茯苓枳實枯蕪仁

喘甚加桑白皮陳皮大腹皮蘿蔔子葶藶子蘇子

熱甚加炒山梔子黃連黃芩黃檗連翹

虛極加鹿茸鬱金青蒿

風加荆界防風金萸甘草菊花細辛香附子

寒加人參肉桂桂枝五味子蠟片

戊字號保真湯

治癆證虛弱骨蒸服此最效

當歸酒洗 生地黃 白朮

黃耆 人參各一錢

蓮心 赤茯苓各五分

天門冬去心 麥門冬去心

陳皮 白芍藥 知母

黃蘗炒 五味子

苳胡 地骨皮 熟地黃各四分

赤芍藥

甘草各五分

右水二盞薑三片棗五枚煎一盞每日三食前各進

一服

驚悸加茯神遠智栢子仁酸棗仁

淋濁加草薢烏藥楮苓澤瀉

便澀加石葦扁畜木通

遺精加龍骨牡蠣蓮鬚蓮心

燥熱加石膏滑石鼈甲青蒿

盜汗加浮小麥牡蠣黃耆麻黃根

丁戊二湯方

周揚俊

一名保和者因失血之後氣血未調率難把握然調

血者以氣為主調氣者實肺為司故大旨以瀉肺中之伏熱益下焦之化源此其治也若和而失其所以為和則保亦失其所以為保矣至保真則氣血之味俱等大旨以甘溫為主甘涼佐之而苦寒又佐之未常禁用苦寒也而與今日之用寒涼者異矣曰保真者大輔其正兼瀉其邪使生機活潑油油然而不已也兩方加法大備然非盡用亦姑列之以伺去取耳學者須知

已字號太平丸

周揚俊

治癆症久嗽肺痿肺癰並皆噙服除根

天門冬去心 麥門冬去心 知母去毛 貝母去心 款冬花

杏仁各二兩 當歸 熟地黃 生地黃 黃連

阿膠各兩 蒲黃 京墨 桔梗 薄荷葉各

一兩 白蜜四兩 麝香少許

右為細末和勻用銀石器先下白蜜煉熟後下諸藥末攪勻再上火入麝香熬三二沸丸如彈子大每日三食後細嚼一九濃煎薄荷湯緩緩送下次噙一九臨臥時如痰盛先用飴糖拌消化丸一百丸吞下却

又嚼此丸使藥入肺竅則肺清潤其嗽退除七日病痊凡一切效嗽只服此藥立愈

已字太平丸

周揚俊

太平丸非正方也先生意計周密恐人氣血漸復之後尚留一分未盡必有一分未妥特于宴息之時嚼服此丸使人于靜中不知其所以然而藥力無不到此少許麝香之所以為神妙也

庚字號沉香消化丸

治癆瘵熱痰壅盛

青礞石 煨金色

明礬 火飛研細 猪牙皂莢 炙去皮莖

南星 製

半夏

白茯苓

陳皮

各二兩

枳殼

枳實

各半兩

薄荷葉

黃芩

各一兩

沉香

五錢

右為細末和勻薑汁浸神麴攪糊為丸梧桐子大每服一百丸臨臥飴糖拌吞嚼噙太平丸二藥並服痰嗽除根

庚字消化丸

周揚俊

人見此數味或畏其狠即予亦嫌其峻然先生註云痰熱壅盛乃以此治其不至壅盛者稍稍減服四五

十九丸可也况前先服獨參繼用保真則神氣亦漸復矣暫用幾服胡為不可若情形銷瘦者未可用也是又在學者臨證自明耳

辛字號潤肺膏

治久嗽肺燥肺痿

羯羊肺

一具杏仁淨研

柿霜

真酥

真粉各一兩

白蜜

二兩

右先將羊肺洗淨次將五味入水攪黏灌入肺中白水煮熟如常服食與前七藥相間服之亦佳

辛字潤肺膏

周揚俊

血去則燥燥則火旺肺必枯欲從腎源滋水而不先滋水之母有是理乎然肺為多氣少血之藏故一切血藥概不欲用以羊肺為主諸味之潤者佐之人所易能也若以真粉之甘寒不獨涼金且以培土人所未知也潤肺之中意則甚美故曰醫者意也

壬字號白鳳膏

治一切大癆大怯極虛甚憊效嗽吐痰咯血發熱火乘金位此藥固真元全根本

黑嘴白鴨 一隻

大京棗 二升 參苓平胃散 一升

陳煮酒 一瓶

右先將鴨縛定腳掛起量患人飲酒多少隨量以酒盪溫將鴨頂割開滴血入酒拌勻飲之直入肺經潤補其肺卻將鴨乾擣去毛就骨邊開一孔取出腸雜拭乾次將棗子去核每箇中實納參苓平胃散末填滿腸肚中用麻扎定以砂甕一箇置鴨在內四圍用火慢煨將陳煮酒作三次添入煮乾為度然後食其棗子陰乾隨意食用參湯送下後服補髓丹則補髓

生精和血順氣

癸字號十珍丸 一名補髓丹

治一切大癆大怯極虛甚憊髓乾精涸血枯氣竭火乘金位服前藥愈後卻服此丸以為收功起身之用也

猪脊膂 一條 羊脊膂 一條 龜 一箇 烏骨雞 一隻

右四味去骨雷肉用煮酒一大瓶於罈內煮乾擣爛

聽用

大山藥 五條 蓮肉 半斤 京棗 一百箇 霜柿 十箇

十藥神書

右四味用井水一大瓶於罈內煮熟搗爛與前肉一處再慢火熬卻下後藥

真阿膠

四兩

三兩

右二味逐漸下與前八味和一處研成膏子和平胃散末四君子湯末并知母貝母黃檗末各一兩搜和成劑如十分堅硬再入白蜜同熬取起放青石上搗爲丸如梧桐子大每服百丸棗湯送下不拘時

王節齋云人若色慾過度傷損精血必生陰虛火動之病睡中盜汗午夜發熱哈哈欬倦怠無力飲食少進

甚則痰涎泄血咯吐血或欬血吐血衄血身熱脈沉數肌肉消瘦此名癆瘵最重難治輕者用藥數十服重者期以歲年然必須病人惜命堅心定志絕房室息妄想戒惱怒節飲食以自培其根此謂內外交治可獲全功

